



## Indgået

18 4 MAR. 2017

Uunga  
Inatsisartunut ilaasortaq  
Kelly Berthelsen  
Inuit Ataqtigiit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

### **Kommunini inunnik isumaginninnermik suliallit pillugit § 37 malillugu apeqqutigineqartunut 2017-110-miittunut akissutit**

Asasara Kelly

Kommunini inunnik isumaginninnermik suliallit pillugit apeqqutinnut qujanaq.

Akissutikka ataani takuneqarsinnaapput.

10-03-2017

Suliap nr.

2017 - 4631

Allagaatip suussusia Nr

4651299

Postboks 260

3900 Nuuk

Oqarasuaat (+299) 34 50

00

Fax (+299) 34 66 66

E-mail: [iiian@nanoq.gl](mailto:iiian@nanoq.gl)

[www.naalakkersuisut.gl](http://www.naalakkersuisut.gl)

#### **1. Isumaginninnikkut suliassat eqqortumik naammassineqartalissappata nuna tamakkerlugu atorfiit qassit suullu amigaaatappat?**

Matumunnga paaseqquneqarpoq inunnik isumaginninnermik suliassat inatsisit naapertorlugit eqqortumik sularineqartarnerat pineqartoq paasineqarpoq.

Meeqqanik inuusuttunillu suliassaqarfimmi inunnik isumaginninnermik suliassanut atatillugu Sulianik Sularinninneq Piginnaasallu pillugit nalilersueqqissaarnerup Deloittemit sularineqartup eqikkaanera Naalakkersuisut 2016-imi ukiakkut saqqummiuppaat. Meeqqanik inuusuttunillu suliassaqarfimmi kommunini sulianik sularinnittut sulianik amerlaqisunik suliassaqartarnerat, sulianillu sularinnittumut ataatsimut suliat amerlassusiisa suliat sularineqarnerisa pitsaassusiannik sunniuteqartussatut naatsorsuutigineqarnera eqikkaanerup takutippaa. Eqqortumik pitsaassuseqartitsinissaq qulakkeerniarlugu, sulianik sularinnittut sulianik meeqqanut inuusuttunullu tunngasunik sularinnittussat amerlanerusut kommunimi atorfinitsinneqartariaqarput. Meeqqanut inuusuttunullu suliassat sularinissaannut kommunini sulianik sularinnittut 100-150 qaavatiqut atorfinitsinneqartariaqartut eqikkaanermi nalilerneqarpoq. Sulianilli sularinnittut ilinniartitaanerisa qaffasissusiat, suliat pisariussusii, kiisalu periutsit, suleriaatsit IT-millu sakkussat ingerlalluartut, sulianik sularinnittut sulinerannut tapertaasinnaasut, qanoq annertutigisumik atorineqarnerat qanoq

amerlatigerpiartunik pisariaqartitsinermut apeqqaassapput.

Naalackersuisut Kommunini inunnik isumaginninnermi suliassat suliarineqartarnerisa naammattumik pitsaassuseqalernissaat qulakkeerniarlugu sulianik suliarinnittut qassit aamma suliassa qarfinni tamani sulianik suliarinnittut qanoq ittut pisariaqartinneqarnerisut Naalackersuisut ilisimangilaat.

## **2. Isumaginninnikkut sulisut naleqquttumik amerlassuseqalernerat qanoq aningaasatigut naleqassava?**

Meeqqanik inuusuttunillu suliassa qarfimmik sulianik suliarinnittut naammattumik amerlassuseqarnerissaat qulakkeersinnaajumallugu qaavatigut aningaasartuutit 25-30 mio. koruuniujumaartut nalilersueqqissaarluni misissuinnermit eqikkaaneq tunululiaqutaralugu naatsorsuutigineqarsinnaavoq. Sulianilli suliarinnittut ilinniartitaanerisa qaffasissusiat, suliat pisariussusii, kiisalu periutsit, suleriaatsit IT-millu sakkussat ingerlalluartut, sulianik suliarinnittut sulinerannut tapertaasinnaasut, qanoq annertutigisumik atornerarnerat aningaasartuutit taakku qanoq amerlatigerpiartuunissaannut apeqqaassapput.

Inunnik isumaginninnermi suliassat suugaluartulluunniit suliarineqartarnerannut naammattunik amerlassusilinnik sulianik suliarinnittoqalernissaa qulakkeerniarlugu aningaasartuutit qaffasissusissaat Naalackersuisut ilisimangilaat.

Misilittakkat Herning kommune-ani takutippaa, suliat inulerisumut ataatsimut killiliiffiginerini meeqqanut inuusuttunullu sulillissinnermi pitsaassuseq qaffasimasoq. Kommuni aamma saniatigut ukiup siulliup ingerlanerani inissiinnermi aningaasanik sipaaruteqarsimavoq naak sulisut amerlisimagaluartut. Tassani suliat annertussusaasa killigat attatiinnarniarlugu sulisut amerlineqarsimapput. Suliat amerlassusissaata toqqammavilerisigut pitsaassuseq suliame anguneqarsinnaasimavoq, aningaasartuuleqalernermik kiguneqanngikkaluartumik.

## **3. Kommunit isumaginninnikkut suliassaannut Naalackersuisut qanoq ikiuussinnaappat?**

Inunnik isumaginninnermut aqutsisoqarfimmik pilersitsisoqarnerissaanut 2017-imut aningaasanut inatsimmi aningaasanik immikkoortitsisoqarpoq, aamma Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfik aqutsisoqarfimmik pilersitsiniarluni aallartereerpoq. Isumaginninnermut Aqutsisoqarfik ilisimasaqarfiulluni nunamut tamarmut ataatsimoorfiulluni sullissiviussaaq, kommuninut kommuniillu sulianik suliarinninnerannut ikorfartuisuussalluni. Inunnik isumaginninnermik suliassa qarfimmik tamarmiusumi ineriartortitsinnermik,

siunnersuineramik atuutsitsilernermillu inunnik isumaginninnermut aqutsisoqarfiup suliaqarneratigut, ilaatigullu aamma meeqqanik inuusuttunillu suliassaqarfimmut aqqiissutinik tapertaasarneratigut taamatut iliortoqassaaq. Taamaalilluni isumaginninnermi sulianut periutsit suleriaatsillu sunniuteqarluartut isumaginninnermi aqutsisoqarfiup ilinniartitsissutigisassavai siaruaallugillu, sulianut tunngasunik kommuninut siunnersuinerit isumagissallugit, kommunit ingerlatsinerminni suleriaasiinik taakkuninngalu ineriartortitsinerannik ikorfartussallugit.

Meeqqanik inuusuttunillu suliassaqarfimmi suliassat amerlassusaat pillugu nassuiaat aqputigalugu sulianik suliarinnittut kommunini sulinerat Naalakkersuisut ilanngullugu sulissutigissavaat. Meeqqanik inuusuttunillu suliassaqarfimmi kommunini sulianik suliarinnittut najoqqutassiaasumik suliassaasa amerlassusissaat pillugu Nassuiaat piaarnerpaamik tamanut saqqummiunneqassaaq.

Siunnersuinnermut ikiortit ilinniartitaanerannik aamma Najugaq qimannagu inunnik siunnersortit ilinniartitaanerannik Naalakkersuisut pilersitsinerat tamakkununga ilanngunneqassaaq, taakkualu Inunnik siunnersortit ilinniartitaanerisa saniatigut isumaginninnermik sulianik kommunit sulianik suliarinninnerannut sulianik suliarinnittunik ataavartumik ilinniartitsisoqartarneranut tapertaapput.

#### **4. Sulisussat naammangippata avataaniit tikisitsisoqartalissava?**

Inunnik isumaginninnermi suliat suliarineqarnissaannut naammattunik sulisoqarnissaq kommunit aallaavittut akisussaaffigaat.

Taamaattoq sulianik suliarinnittut pisariaqartitaanerat pillugu Isumaginninnermut, Ilaqutariinnut, Naligiissitaanermut Inatsisinillu Atortitsinnermut Naalakkersuisoqarfik kommuninik qanittumik oqaloqateqartarpoq. Sulianik suliarinninneq eqqarsaatigalugu Isumaginninnermut, Ilaqutariinnut, Naligiissitaanermut Inatsisinillu Atortitsinnermut Naalakkersuisoqarfik kommunerpaalunnut tamatumunnga atatillugu ikiuuttarpoq. Taamaatut iliortoqartarpoq kommuninut suleqatigiinnissamik isumaqatigiissuteqarnikkut aamma Qitiusumik Siunnersuisarfik, inunnik isumaginninnermi suliat suliarineqartarnerannik kommuninut siunnersuisartooq aqputigalugu.

Siunnersuinnermut ikiortit ilinniartitaanerat aamma Najugaq qimannagu inunnik siunnersortit ilinniartitaanerat aqputigalugit suliarinik suliarinnittut amerlanerusut ilinniartinnerisigut, kommunini sulianik suliarinnittunik pisariaqartitsinerup iliuuseqarfigineranut Naalakkersuisut ilanngullugu tapertaapput.

**5. Isorliunerusuni isumaginninnermi sulinissaq qanoq kajungernartunngortinniarneqassava?**

Inunnik isumaginninnermik suliaqartut atorfiisa pilerinarnerulersinneqarnissaannut pissutsit arlaqarput pingaaruteqarluinnartut. Pingaarutillit ilaattut ilaatigut taaneqarsinnaapput sulianik suliarinnittartumut ataatsimut suliat naleqquttumik amerlassuseqartussaanagerat, periutsinik, suleriaatsinik qarasaasiatigullu sakkussanik suliat suliarineqarnerannut tapertaasinnaasunik atoruminartunik peqarnissaq, sulianik suliarinnittut eqqortunik piginnaasaqarnissaat kiisalu sulianik suliarinnittut aningaasarsiaqarnerkkut naammaginartunik atugassaqartitaanissaat.

Tamakku saniatigut ineqarnermi pissutsit kiisalu ilaqutaasunut sunngiffimmilu sammisassaqaarsinnaaneq avinngarusimanerusuni inunnik isumaginninnermik suliaqartut kajungilersinneqarnissaannut sunniteqartarnerat naatsorsuutigineqarsinnaavoq.

Inussiarnersumik inuulluaqqusillunga



Sara Olsvig